



Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq saqummiuppara:

**Suliffeqarfiit nutaat aallarnisaasut akileraartarnikkut qanoq oqinnerusumik qanorlu pisortaniit ikorfartorneqarsinnaanerit pillugu apeqquteqaat aallaavigalugu Inatsisartunut oqallisissiasatut siunnersuut.**

(Inatsisartunut ilaasortaqaq Peter Olsen, Inuit Ataqatigiit)

Isumaqarpunga pingaaruteqartuusoq sulissutigissallugu nunatsinni suliffeqarfinnik nutaanik aallartitsisarnissaq kajumernartuusariaqartoq. Suliffeqarfinnut nutaanut uuttuutit ilagisarpaat, soorluli aamma qangali ingerlareersunut taamaattartoq, akileraarusiisarnikkut atugassarititaasut. Isumaqarpungami eqqarsaatersuutigisariaqaripput siunissami periarfissat qanoq ittuusariaqarnersut, soorlu ilaatigut suliffeqarfiit akileraarusiisarnikkut nutaaliorfignersigut suliffeqarfinnik nutaanik aallartitsinissaq kajumernarnerulersissallugu.

Nalilersugassat aamma uaniittariaqarput ilumut akileraarusiisarnermi allannguiniaraani allannguutit ingerlatsinermi aqukkuminartuunissaat, tamatumali saniatigut eqqarsaatersuutigineqartariaqarluni taamatut allanquinikkut akileraarusiisarnerp iluani atornerluisoqalersinnaanera il.il. Isertitanik akileraarusiisarnermi inatsimmi § 60 naapertorlugu suliffeqarfinnut/selskabinut akileraarutaasartoq 30%-iuvoq.

Suliffeqarfinnut akileraarut tunngaviatigut 99 kr.-nit annertunerusimappata Akileraartarnermut Ingerlatsinermut inatsimmi § 24, imm. 1 naapertorlugu (akileraarutitigut akiliutigisaaq 6%-mik ilaneqartussaavoq). Taamaasillunilu suliffeqarfinnut akileraarut eqqortumik oqassagaani 31,8%-iulluni.

Nunatsinni inuussutissarsiornikkut aallarnisaanikkut nutaaliornikkullu ineriartortitseqqinnisarpur aatsaat taamak pingaaruteqartigilersimavoq.

Nunarsuarmioqataaleriartuinnarnitsinnilu inuussuttortagut ineriartornerup tungaatigut aatsaat taamak malinnaatigilersimapput, aallarnissaanerullu tungaatigut aatsaat taamak pikkoritsigilersimal-lutik assersuutigalugu: Annikitsumik aatsitassarsiornikkut, filmiornikkut, siunnersuisoqarnikkut, qarasaasiaqarnerup tungaatigut ineriartortitsinikkut, APP-iliornikkut (mobiliini qarasaasianilu atortorissaarut) allarpassuutigullu.

Taamaattumik naalakkersuinikkut pisussaaffitta aamma ilagilluinnarpaat inuussutissarsiornikkut aallarnisaaniartunut nunatta aallarnisaavigissallugu kajuminnarnerulersinneqarnissaa.

Aqqutissallu ilagilluinnarpaat aallarnissaanerup nalaani akileraartarnikkut oqilisaavigineqarsinnaaneq assersuutigalugu suliffeqarfinnut aallarlerlaanut annertusiartuaartumik akileraaruseriaatsimik eqqussineq, imaluunniit allarnissaanerup nalaani ukiut marluk pingasulluunniit missaani akilerartussaataanniginnissamik aqqissuussineq.

Mianersugassarli aamma ilisimalluarparput suliffeqarfiit taamatut periarfissinneqartussat tassaassammata pisariaqartitsilluinnartut, nutaaliortut, aallarnisaasullu.

# INUIT ATAQATIGIIT

## Inatsisartuni



Oqallisigisariaqarparpullu qanoq taakku toqqarneqartassanersut, periarfissiinerullu taassuma atonerlunneqannginnissaa.

Nunarput aallarnisaaniartunut allaarnissaavigissallugu kajuminnarnerulersitsigu.

Taamatut tunngavilersuuteqarlunga matumuuma una oqallisissiaara inatsisartunut suliassanngortippara.